

ZENICA

misli drugačije
thinks different







Historija Zenice se kao na sudbonosnom tronošću vrpolji između tradicije, industrije i vjere. Čak je i zvanično proglašena spomenička baština raspodijeljena između srednjevjekovne Ploče velikog sudije Gradješe, ranih industrijskih postrojenja (Papirna) i vjerskih objekata svih konfesija.



Historijski je Zenica postala značajna i samim pripadanjem regionu koji se u vazda nazivao Pravom Bosnom u Sarajevsko-zeničkoj kotlini punoj rječitih biljega srednjevjekovlja, kamenih utvrda i nadgrobnih spomenika. U vrijeme srednjevjekovne bosanske države bila je poprište za državu važnih događaja kao što su Akt abjuracije na Bilinom polju, da bi potom, u vrijeme Osmanlija, pala u neku vrstu zaborava ostavljena da daleko od svjetskih očiju broji tihe provincijske dane.



Dolaskom Austro-Ugarske otkriva se jedna nova vrijednost zeničke topografije i geologije koja će, čini se, za sva vremena, odrediti budućnost njenih stanovnika. Uvidjevši da Zenica obiluje ugljem, a Bosna općenito drvetom i željeznom rudom, Austrijanci su dotadašnjoj kasabi stali davati obrise malog industrijskog mjesta gradeći industrijske pogone, radničke nastambe i prve željezničke komunikacije. Sa industrijskim razvojem počelo



GGM - Rondo Babina rijeka

je i susretanje ljudi, pa je domaći živalj počeo ostvarivati sve češće veze sa tehničkim stručnjacima iz Austrije, Češke, Njemačke i neosjetno postajati dijelom tadašnje razvijene Evrope, makar kao njena sirovinaska baza.

Od tih dana s kraja 19. stoljeća do danas, Zenica se razvila u grad raznolikih mogućnosti kojim još dominira industrija čelika, ali gdje zavidno mjesto zauzimaju sport, kultura, prirodna baština i mladi. Zenica se na svom putu prema usvajanju evropskog nasljeđa u mnogim segmentima uključila u integrativne procese pa je nerijetko dobivala zaslužene nagrade za inovativnost organizacije društvenog života i pružanja zaštite onima koji inače zaštitu nemaju od koga dobiti. U tom nastojanju je i proglašena svjetionikom i primjerom kako valja raditi na poboljšanju životnog ambijenta u lokalnoj zajednici.

Svjesno birajući put integracija i saradnje, Zenica je i u oblasti savremenog privređivanja pronašla svoje mjesto i nastoji ga svakim danom još više unaprije-



Arena Zenica tokom izgradnje



Arena Zenica



Svečano otvaranje laboratorije LIND - novembar 2012. godine



Biznis inkubator nekad



i sada

Kao instrumenti podrške razvoja poduzetništa u Zenici i šire formirani su: Poslovna zona, Agencija za ekonomski razvoj ZEDA, Biznis Inkubator i TechnoPark. Sadašnje inicijative i projekti koji se realizuju su temelj koji sadašnje generacije grade za mlade koji dolaze. Zenica je sasvim odlučno napravila svoj izbor. Od radničke spavaonice razvila se u moderan industrijski grad, od provincije izrasla u obrazovni, kulturni, sportski i administrativni centar, a od sirovinске baze teške industrije nastalo je mjesto primjene visoko kompjuterizirane tehnologije. Budućnost će donijeti još dosta izazova, ali se čini da ovaj izbor nije mogao imati alternativu.



RD Mošćanica - prva sanitarna deponija u BiH



Buduća gasno – parna kogeneracijska termoelektrana



Fun zona - utakmica reprezentacije BiH



Trening centar NSBiH



Toplana na biomasu Nemila



Stadion Bilino polje



www.zenica.ba



OPĆINA ZENICA



Agencija za ekonomski razvoj Zenica

ZENICA - JANUAR 2014.